

Ac. 1871.

CHOLERAE ASIATICAЕ  
IN NOSOCOMIO MILITARI,  
QUOD A. 1853 TEMPORE AESTIVO IN VICO KRASNOJE SELO  
INSTITUTUM ERAT  
DECURSUS ET CURA.

DISSESSRATIO INAUGURALIS  
QUAM  
CONSENSU ET AUCTORITATE  
GRATIOSI MEDICORUM ORDINIS  
IN  
UNIVERSITATE LITERARUM CÆSAREA DORPATENSI

AD GRADUM  
DOCTORIS MEDICINÆ

RITE ADIPISCENDUM

LOCO CONSUETO PUBLICE DEFENDET

CXLIX: 21 AUCTOR

*Josephus de Kozakiewicz.*



---

DORPATI LIVONORUM.

TYPIS VIDUAE J. C. SCHÜNMANNI ET C. MATTIESENI.

MDCCLIV.

.1781.54.

DISERTATIO MEDICO  
IN NOSOCOMIUM  
OPO A 1853 TRACTORE AVSTRO IN VIGO RIBERADE  
INSTITUTA  
DUCURSUS ET CURA

Imprimatur

haec dissertatio ea conditione, ut, simulac typis fuerit excusa,  
nummerus exemplorum lege praescriptus tradatur collegio ad libros  
inspiciendos constituto.

Dorpati Livon. die 14. mens. Martii a. 1854.

Dr. **Bidder**,

ord. med. h. t. Decanus,

DOCTORIS MEDICINÆ

LIBERALIA

DISERTATIONE MEDICO

CXLIX

in aliis annis

DISERTATIONE

DISERTATIONE MEDICO

DISERTATIONE MEDICO

VIRO EXCELLENTISSIMO

AVUNCULO CARISSIMO

**ADOLPHO NEUMANN**

**OFFICIALI SINGULARIBUS MANDATIS PRINCIPIS  
MAGNAE HELENÆ PAWLOWNAE  
DESTINATO**

PIO GRATIOQUE ANIMO

HOC OPUSCULUM

colorum, qui choicer accepit, circa min. est. dimid.  
data. Quia et re sua huius antiquorum quae ut pectora  
decoctione necesse fore videntur, etiam vero sed non  
cum illius illustrius doctoris Monet. et Comitis parochio  
ribus, collaberi solebat, permissum maxime cogerecsem  
Quaram observationum etiam ab aliis ab  
soluto, a gravore medicorum ordine, ut sectaria gravium  
ad pectorum dissertationis inaugurae conscribendas ve  
num impetrassent, publice pars facere, ut omnium induc  
tus permotus condit, gravissima ob

**OFFERT**

AUCTOR.  
In his vero consuetu perundari possunt, secundum unde

ALIO EXCELENTESSIMO  
VANNUO CAVISSIMO  
ADOLPHO NEUMANN  
OAMONIIS SUGGESTORIBVS MUNDATIBVS ET HABITATIBVS  
MUNERIBVS DEDICATIBVS  
PIO GRATITUDE VNIQVE  
HOC OPUSCULUM  
TYPIS  
ROTOTO

## Praefatio.

Jam anno millesimo octingentesimo quinquagesimo secundo, quum mihi occasio oblata esset in nosocomio militari legionis praetorianae, quae ab Imsailow nomen traxit, choleram asiaticam observandi, eventus secundissimi, qui curae accommodatae, auspice viro excellentissimo medico totius exercitus praetoriani supremo doctore Schering adhibitae, contigerant, maximam mihi commoverunt admirationem. Inde, anno fere dimidio transacto, quum anni 1853 tempore aestivo ad nosocomium militare in vico Krasnoje Selo institutum missus fuisset, eorum solorum, qui cholera aegrotabant, cura mihi est demandata. Qua in re nihil habui antiquius, quam ut, morbi decursum hoc loco persecutus, curam, quae sub auspiciis viri illustrissimi doctoris Mandt, a consiliis sanctioribus, adhiberi solebat, penitus planeque cognoscerem. Quarum observationum eventus, si, examine feliciter absoluto, a gratioso medicorum ordine, ut doctoris gradum adipiscerer, dissertationis inauguralis conscribendae veniam impetrasset, publici juris facere, in animum induxi.

Quo permotus consilio, gravissima cholerae symptoma, quae in vico Krasnoje Selo observabam, quo melius uno conspectu perlustrari possent, secundum princi-

pia quaedam physiologica in quatuor ordines redigere constitui, simul, totius morbi decursus et exituum atque complicationem ratione habita, summam varietatem, qua in singulis casibus diversa coniungerentur symptomata, demonstrare conatus. Deinde, ad quaedam momenta aetiologicala et prognostica transgressus, postquam primariam morbi sedem definire studi, in commentationis fine, cura, qualis in vico K. S. in usum vocabatur, descripta, brevem comparationem statisticam de numero hominum anno 1848 et 1853 cholera extinctorum adjungendam censu.

Itaque dissertationis meae ordine paucis verbis exposito, non possum quin lectores hujus commentationis summe venerandos, ut in dijudicando opuscule indulgentes se praebant, etiam atque etiam rogem, quippe qui non tam voluntate, quam imposta necessitate coactus difficultem atque lubricam studii litterati viam inierim.

## Caput I.

### De cholerae asiaticae in nosocomio militari, in vico Krasnoje Selo instituto, decursu.

Quamquam casus, quibus cholera asiatica homines, paulo ante perfecta valetudine gavisos, subito omni, qua est, vehementia invaderet, non ita rari erant, tamen eorum multitudo, in quibus morbus, turbis quibusdam valetudinis universae praegressis, sensim ac paulatim evolveretur, illorum numerum longe superat. Quas turbations, quum, ipsi cholerae accessioni praecedentes, cholerae asiaticae jam evolutae imaginem non offerant, prodromorum nomine mihi complectendas esse arbitror. Prodromi frequentissime observati imprimis in systemate sympathico, praesertim in ea parte, quae digestionis functionibus praest, aliquam affectionem adesse indicarunt, phaenomenis etiam, quae nervorum animalium systema turbatum esse significant, non exceptis. Praecipua inter prodromos symptomata haec erant: pressio in scrofululo percepta, qui quidem interdum digito pressatus dolorem movebat, nonnunquam molestus oneris injacentis vel vacuitatis sensus, cum nausea, ructu creberrimo, anxietate praecordiali, borborygmis abdominis, flatibusque aut odore parentibus aut male olentibus conjunctus. Qua in re ciborum appetitus plerumque diminutus erat, lingua plerisque in casibus vel albo, vel flavo tegumine obducta, interdum pura humidaque, nonnunquam tamen potius sic-

ca, quo magna ad diarrhoeas inclinatio accedebat, alvi dejectionibus aut colica conjunctis, aut nihil doloris excitantibus. Saepius his, quae diximus, signis capitis obnubilatio, pressus in fronte vel regione temporali perceptus, vertigo, cordis palpitationes, dyspnoea, regionisque renalis dolores, tum eximius virium collapsus, spasmi surarum leviores, dolores rheumatici vagi, praesertim in regione sacrali et lumbali orientes, comites se addiderunt. Pulsus ea in re semper mollis sentiebatur, interdum tardus erat, nonnunquam acceleratus, satis plenus, vel parvus, nunquam durus. Quo adde, quod non raro horripilationes per dorsum tendentes ingruerunt, vel aegroti nimium calorem conquesti sunt. Cutis aut statu erat normali, aut pallida, frigidaque, turgore minuto, aut denique, temperie adacta, contrectanti potius sicca apparebat.

Veruntamen nonnunquam dolores abdominis lancinantes, praesertim regionem umbilicalem affidentes, subinde remittentes, quin etiam intermittentes repente exsistebant, quos dolores brevi tempore diarrhoeae, cum abdominis borborygmis junctae, excipere solebant. Quae alvi, plerumque ab initio materias faecales offerentes, postea tenuiores tenuioresque ac simul pallidiores, colore ex griseo flavo imbutae, tum copiosissimae factae maximum aegrotorum debilitatem provocabant. Neque raro accedit, ut paulo post nausea, immo etiam vomitus orirentur, quo vomitu, quem principio ciborum reliquiae essent emissae, post materiae biliosae evacuabantur. Quos prodromos ad altiorem, quem descripsimus, gradum proiectos nomine holerinae denotare consueverunt.

Attamen mihi in vico K. S., ut hoc prodromorum stadium observarem, perraro contigit, aegrotis plerisque cholera jam evoluta in nosocomium allatis. Saepius vero, aegrotorum examine facto, illos, quos diximus, prodromos praecessisse, apparebat.

Ad cholaram jam perfecte evolutam quod attinet, omnia majoris momenti symptomata, quae huic morbo peculiaria in nosocomio in vico K. S. instituto observabantur, in hos maxime ordines referri possunt.

1) Cholera splanchnica seu intestinalis, cholera proprie sic dicta, irritabilitate adacta spasmoque systematis nervi sympathici, praesertim partis illius, quae abdominis organorum functionibus praeest, nititur.

Quae cholerae forma hoc sibi proprium vindicat, quod saepe certisque intervallis permagnae liquoris vel oryzae in aqua coctae vel cucumber in aqua asservatorum colori similis, odore non insigni praediti, copiae ex anno praecipitantur, in quo fluido particulae solidiores, flocci velut ex sebo facti, quos facile est comprimere, suspensae cernuntur. Simul cum diarrhoea, vel, id quod plerumque evenit, paulo post vomitus certis intervallis subito ingruens, musculis abdominis pectorisque omnino non intentis ac fere non agentibus exoriens apparet, quo quidem massarum fluido modo commemorato similius magnae ejiciuntur quantitates. Saepe factum est, ut hisce per os anumque exinanitionibus ascarides lumbricoides admixtae invenirentur. Haec cholerae forma id habet proprii, quod massis per os et per anum evacuatis nihil bilis inesse solet. Creberrime cholerae vel anuria comitem se adjunxit, vel urinae limpidae copia per exigua emissa. Quo etiam dolor in regione renum pressusque in scrobiculo perceptus, magna aegroti anxietas, cordis palpitatio accedunt. Pulsus, quem ab initio satis plenus mollisque ac modice acceleratus fuisset, brevi tempore tamen plerisque in casibus, celeritate aucta, parvus atque spasmodicus (pulsus celer) cernebatur. Praeterea hujus, de qua agimus, morbi formae signum frequentissimum sitis est vehementissima, aegroto multum cruciatus afferens.

Quae quum ita sint, ventriculi tractusque intestinalis affectionem, vomitu certis intervallis repente exoriente ac diarrhoea simili manifestatam, nec non hepatis renumque et postero morbi decursu pulmonum affectionem existere videmus. Peculiaris alvorum dejectarum natura, dubium non est, quin organa glandulosa, imprimis pancreas, mali haud expertia esse edoceant. Quae omnia tamen organa, satis constat, systematis nervi sympathici obnoxia esse effectibus. Sitis autem aegrotum tantopere crucians,

dubitare non possumus, quin eo sit explicanda, quod normalis sanguinis indoles est permutata, quodque tantae materiarum fluidarum copiae per os atque anum emittuntur.

2) Cholera musculo-spinalis, falso a nonnullis spastica nominata, quoniam et prior forma spasmis, quamquam minus conspicuis, utpote qui in sphaera vegetativa appareant, excellit, quamquam interdum primaria exsistere videtur, tamen nescio an plerisque in casibus formam priorem vel eos prodromos tantummodo sequatur, qui nervum sympatheticum affectum esse indicent. Etenim tantis substantiarum copiis per os atque anum emissis, vel aliis in systemate sympathico turbationibus praegressis, sistema spinale inde affectionis particeps existit. Cholera musculo-spinalis, in aucta medullae spinalis ejusque nervorum irritabilitate, quae cum nervi sympathici irritabilitate majore complicata sit, posita, muscularum voluntati obedientium spasmis tonicis, acerrimos dolores excitantibus, maxime excellit. Qui spasmi, saepe tanta vi ingruentes, ut aegroti non possint, quin clament, plerumque ab extremitatibus initio capto, his locis, praesertim in suris, summum vehementiae gradum assequuntur, qua re musculi duri exsistunt, et tororum ad instar prominent. Ceterum trunci quoque, abdominis pectorisque musculi his corripiebantur spasmis, pectoris compressione, dyspnoea repentina, vomititione periodica et abdominis integumentorum compressione manifestatis. Quia in re aegroti, quominus partes spasio affectas ad suam voluntatem moverent, nullo modo erant impediti.

3) Cholera cyanotica seu asphyctica. Quae species non tam forma est sui generis, quam duarum priorum formarum sequela gradusqne altior, tum vitiosa sanguinis mixtione propter copiosas per os anumque evacuationes exorta, tum maxime sanguinis circulatione spasmis in sphaera vegetativa et animali exsistentibus turbata. Mibi quidem in nosocomio militari, quod saepius diximus, ut casus observarem, quibus, nullis breviore vel longiore temporis spatio praegressis exinanitionibus copiosis vel spasmis, cyanosis repente exoriretur, non

contigit. Cholera cyanotica seu asphyctica cutis colore plumbeo praecipue excellebat, quae cutis, contrectanti frigidam se exhibens, magis magisque caerulea atque flaccida fiebat, sudore viscido obtecta. Qui color caeruleus, quum plerisque in casibus ab unguibus, apice nasi, labiis, extremitatibus initium cepisset, inde per totum diffundebatur corpus, quo facto, lingua etiam caerulea atque frigida, halitusque frigidus, vox rauca et fusca vel soni expers apparebat, oculique inertes, annulis intensi coloris ac lividis circumdati, profundius in orbitas recedebant. Pulsus, plerumque languidi parvique, et parvitas et frequentia magis magisque augebatur, usque dum omnino persentiri non posset. Praeterea aegroti hac cholerae specie affecti eximia animi anxietate agitabantur, nec raro cordis dolores acerrimos, qui dubium non est, quin nulli alii fuerint nisi cardialgici, conquerebantur. Musculorum tonus non erat deminutus.

Quae symptomata omnia ex vitiosa sanguinis mixtione, quae quum alvi dejectionibus copiosis, tum vasorum capillarium paralysi efficiatur, deduci possunt.

4) Cholera paralytica. Quae et ipsa, ut mea fert opinio, non tam forma sui generis, quam specierum cholerae, quas supra descripsimus, altius fastigium habenda est. Fuerunt quidem in nosocomio saepius memorato casus, in quibus non solum cholera cyanotica, verum etiam haec ultima species, cholera splanchnica et muscularum voluntati obedientium spasmis vehementioribus aut nullis aut paulo ante cholerae cyanoticae et paralytiae evolutionem praegressis, brevissimo tempore perfecte evolutae apparerent. Attamen hosce casus negandum non est inter rarissimos fuisse, quo accedit, quod non semper aegrotorum narrationibus fides haberi poterat, utpote qui aut consulto, se jam longius per tempus aegrotasse, medicum celare cupiebant, aut turbationes in systemate sympathico jam diutius continuatas neglexerant. Ad haec nescio an cyanosis et paralysis celerime exorta propria quadam aegrotorum constitutione innixa fuerit.

Cholera paralytica in systematis nervi sympathici paralysi vel statu paralyseos simili consistit, systematis cerebro-spinalis, si cum illo comparetur, functionibus parum turbatis. Quae cholerae species talia sibi vindicabat symptomata. Omnes evacuationes aut subito cessabant, aut alvi, aegroto invito, dejiciebantur. Praeterea aegrotantes gravissimos cordis dolores queritabantur, anxietate maxima atque dyspnoea cruciati, et, quamquam naribus late patentibus et thorace subinde admodum dilatato atque extenso, ut aëri aditus concederetur, clamitabant. Simul perpetua corporis jactatio aderat, aegrotis vestes stragulas saepe rejicientibus. Qua in re cutis halitusque frigida erant, aegrotis tamen voce rauca, quae vix exaudiri poterat, aestum atque fervorem querentibus. Pulsus, qui vix persentiebatur, aut valde erat acceleratus, aut omnino desierat. Quo facto quum sensim ac paulatim quies, suspiria, perfecta apathia exstisset, mors deinde sequebatur, aegroto animi compote, cordis pulmonumque paralysi allata.

Diversis cholerae symptomatis, qualia morbi decursu in nosocomio militari apparuissent, in quatuor ordines redactis, tantum abest, ut symptomatum complexus, quorum mentionem intulimus, omni in casu separatos in conspectum venisse contendamus, ut contra observationes permultae nobis persuaserint, unam cholerae speciem a ceteris omnino sejunctam in exceptionibus habendam fuisse. Namque plurimis in casibus alteram speciem paulatim in alteram transire, vel complures uno eodemque tempore mixtas adesse certo cognovimus. Etenim, ut non raro omnes quatuor cholerae formas adeo commixtas observavimus, ut singulae nullis disjunctae essent certis limitibus, ita illi casus creberrime apparuerunt, in quibus cholera proprie sic dicta, cholera musculo-spinalis nec non cyanotica inter se junctae cernerentur, interdum solis cholera musculo-spinali et asphyctica consociatis (quae cholera sicca dicitur). Deinde hoc quoque nobis persuasimus, singulorum, quae cholera comitentur, symptomatum nullum omnino esse constans, sed potius unum-

quodque eorum in singulis cholerae accessionibus deficere posse. Sic nonnunquam est factum, ut vomitus omnino deesset, neque musculi voluntati obtemperantes spasmis corriperentur, interdum adeo nulla prorsus diarrhoea exorta. Rarior etiam cholera cyanotica et paralyticam, nulla cholera splanchnica, neque ullis muscularum voluntati obedientium spasmis praecedentibus, summa celeritate esse evolutam, supra jam mentionem fecimus. Porro quibusdam in casibus, nullis gravioribus prodromis praegressis, brevi tempore cholera splanchnica summa cum vehementia ingruit, vel, paucis cholerae intestinalis impetuibus spasmisque muscularum voluntati inservientium, qui brevi cessabant, exortis, paulo post asphyxia vel peralysis secutae sunt. Ceterum ne tales quidem defuerunt casus, in quibus, quum ex prodromis cholera intestinalis esset evoluta, inde haec morbi species sensim atque gradatim ad cholera usque paralyticam progrederetur.

Qua in diversorum symptomatum complexu diversitate et diversis vehementiae gradibus effectum est, ut diversissimae mihi cholerae imagines offerrentur, vix singulis aegrotis eadem omnino morbi phaenomena praebentibus. Quae varietas in symptomatum conjunctione atque vehementia observata, si causam quaeras, me judice, praecipue in propria quadam aegrotantium constitutione et causarum morbum efficientium diversitate inniti crederatur.

Jam, morbi hujus epidemici decursum ulteriorem si persequar, hae fere commutationes exoriri solebant. Ocius serius enim plerisque in casibus status quidam se obtulit, quem reactionis nomine designare consueverunt. Quam reactionem equidem in unaquaque quatuor cholerae specierum exsistere videbam. Morbo nondum ad altiore gradum progresso, saepe sudor calidus totum corpus occupabat, quo durante, omnia morbi symptomata magis magisque evanescabant. Cholera perfecte evoluta, prout rerum conditiones diversae erant, haec phaenomena observavimus. Alvi rariores, minus copiosae, bile admixta, solidiores cernebantur. Vomitu plerumque omnium primo

cessante, interdum non remanebat nisi singultus, nec non spasmi, vehementia minuta, crebrius remittebant, quin etiam intermittentes denique toti desinebant. Pulsus magis magisque persentiri poterat, cute, postquam major ei impertitus erat calor, colorem atque turgorem normalem recuperante. Lingua etiam halitusque incaluerunt, quo accessit, quod mictus, quo primum urina parca coloreque pallido tincta emittebatur, jam, excretione adaucta, colorem intense fuscum induens, rursus apparuit. Quibus phaenomenis exortis, sitis quoque vehementissima, aegroto tam molesta, cessabat, vocisque pristino sono redeunte oculisque ex orbitis rursus provenientibus, aegroti somno placido, quo vires reficerentur, occupari solebant. Cholera paralytica si adfuerat, vomitu atque diarrhoea subito finitis, priusquam universa valetudo in melius inclinaretur, illa duo, quae diximus, phaenomena recurrebant. Quo modo si morbus in melius verteretur, fere semper sanitas brevissimo spatio est restituta.

Interdum, quamquam reactio exstitit, ea tamen manea erat et imperfecta, quo accidit, ut nonnulla quidem morbi symptomata evanescerent, alis tamen relictis vel novis etiam accendentibus. Quae res plerumque morbis secundariis ansam dedit. Denique fuerunt casus, in quibus reactio aut nulla, aut admodum exigua, breve per tempus continuata, appareret, quo facto omnibus morbi symptomatis in deterius conversis, mors subsequebatur. Nonnunquam enim evenit, ut pulsus, qui persentiri jam desierat, rursus in aliquod tempus perceptus, tamen admodum debilis maneret. Similiter, quamquam cutis, temperie ex parte restituta, sudore obtegebatur, hic sudor tamen et nimis profusus erat et brevi frigidus evadebat. Spasmi quoque atque diarrhoea quamvis nonnunquam minore ingruerent vehementia, tamen paulo post, pulsus non amplius percepto, vel dyspnoea summa exstitit, vomitu atque diarrhoea auctis, vel, utroque, quod diximus, symptomate subito cessante, mors est illata.

Neque raro morbi secundarii cholerae secuti mortis causam attulerunt. Quorum frequentissimus, quemque

fere solum mihi in nosocomio militari observare contingeret, typhus cholericus erat. Qui ne oriretur, periculum erat, quum causae majoris momenti aegrotum debilitantes, velut cholera intestinalis vehementior ac diutius continua, vel spasmi solito graviores, praecesserant. Omnino, quum, cholera finita, major virium collapsus, diarrhoea, vel saltem magna ad alvum dejiciendam inclinatio, pulsus parvus ac frequens, ad comprimentum facilis, lingua ad siccitatem proclivis, cutis calida atque secca, signa congestionis ad caput, velut vertigo, capitis obnubilatio, gravedo extiterant, quum inde somnus placidissimus, vires recreans, deerat, pro eoque insomnia, vel status semisomnus apparebat, ut aegroti saepius e somno excitarentur atque excuterentur, quum oculi inertes rubore languido injici cooperant, quum irritatio quaedam ac status incitator, vel, id quod plerumque accidit, apathia et torpor in conspectum se dabant, tum fere nunquam factum est, ut status typhosus non nasceretur.

Quem typhum cholericum ferme semper, cholera asphyctica et paralytica ad altius fastigium provecta, exoriiri videbam. Admonendum est, in vico K. S. hunc typhum eo excelluisse, quod plerumque vel statim indolem torpidam pree se tulerit, vel brevi tempore, quamvis ab erethismo initio capto, in torporem transierit.

Causa, in qua hic morbus secundarius sit positus, dubium non est, quin virium debilitate, quae post cholaram relinqui solet, adferatur. Deinde partes bilem urinamque constituentes, in sanguine retentas, haud parum typhi origini favere crediderim, quandoquidem hominum cholera laborantium sanguis istarum materiarum non exiguum copiam continere dicitur.

Quod autem typhus cholericus in nosocomio militari, de quo agitur, tam saepe in sequelis cholerae est observatus, ejus rei causa inde videtur repetenda, quod plerimi aegrotorum, quum in nosocomium adlati sunt, jam cholera asphyctica vel paralytica valde evoluta affecti, plerumque nullum amplius pulsuum vestigium offabant. Altera quaedam causa, qua factum sit, ut iste

morbus secundarius in vico K. S. tam frequenter obser-varetur, in eo haud dubie quaerenda est, quod cholera, illuc saeviens, indolem prece se ferebat magis torpidam magisque, quam vulgo solet, ad paralysin inclinatam.

Ceteri morbi secundarii, in nosocomio militari obvii, longe minoris erant gravitatis, in diarrhoea aliquamdiu perdurante, in digestione magis minusve debilitata, in ciborum appetentia deficiente, lingua tegumine obducta, vel corporis totius debilitate longius in tempus relicta consistentes. Deinde, cholera extincta, interdum singul-tus, raro dysuria oriebantur. — Una eaque perrara cholerae complicatio, in vico K. S. observata, phaenomena dysenterica offerebat. Cujus equidem quatuor observavi casus, in quibus praeter vomitum spasmosque cruentae alvi dejectiones, cum tenesmis conjunctae, exstiterunt, aegrotis dolorem abdominis percipientibus. Quorum pul-sus frequentissimus, parvus et compressu facilis erat, viri-busque admodum exhaustis, in duobus simul symptomata cyanotica sunt animadversa.

Cholera recidiva, rarissime inventa, brevi tempore, cura idonea in usum vocata, rursus tollebatur.

In cadaverum sectionibus, quas doleo ob temporis penuriam perpaucas instituere mihi licuisse, haec maxime reperi. Omnia organa interna sanguinis colore intenso tincti plena cernebantur, quae hyperaemia venosa praeci-pue in pulmonum hepatisque partibus inferioribus posti-cisque in conspectum se dabat. Cor venosum vasaque majora magnam sanguinis intenso colore imbuti quantita-tem continebant, coagulis nullis unquam inventis. Ad tractum intestinalem quod spectat, gravissimae mutationes pathologicae in parte inferiore membranae mucosae ilei, haud procul ab eo loco, quo ileum in intestinum coecum transit, animadverti solebant. Hic enim membrana mucosa, retibus vasculosis satis injecta, ex parte epithelio suo nu-data apparebat, glandulis solitariis tumidis repertis. Prae-terea totum intestinum tenuerunt pars crassi fluido oryzae in aqua coctae simillimo referta erant, in intestino tenui plerumque nonnullis ascaridibus lumbricoidibus deprehen-

sis. — Ventriculus plerisque in casibus parum commuta-tum se praestabat, quippe qui strato mucoso satis crasso obductus passim parvas vasorum injectiones offerret, ex parte epithelio suo denudatus. Cardia et pylorus plerum-que spasmodyce occlusa erant, non raro etiam in intestino tenui ejusmodi contractionibus spasticis animadversis.

Membranae serosae, praesertim peritonaei, massa quadam viscida obtectae cernebantur.

Vesica fellea semper bile subviridi valde impleta erat.

Vesica urinaria, admodum contracta, aut vacua appar-ebat, aut exiguum urinae limpidae quantitatem continebat.

Ad sanguinis hominum cholera laborantium indolem chemicam quod attinet, equidem, quum nullae sanguinis depletiones institui solerent, de illa, quod vehementer dolendum est, nullas perscrutaciones suspicere potui. Ce-terum, ex cadaverum sectionibus albuminis copiam, quae sanguini insit, adauictam esse elucere crediderim, quo-niam sanguinis natura magis, quam solet, viscida inve-niebatur.

Excrementa per anum, reactione alcalina praedita, solito majorem aquae copiam, ad 98 p. c., continebant. Ex partibus solidis copia organicarum, cum salibus anor-ganicis comparata, multo minor reperiebatur. Copia kali perquam erat minuta, salis culinaris quantitate contra ad-aucta. De partibus biliosis si quaeras, eas deesse, vel ex albido excrementorum colore luculenter patet. Quae eadem de substantiis vomitu emissis dixerim.

Urina pallida, cuius reactio alcalina erat, copiam aquae adauictam, urei et acidi urici minutam offerebat.

Aetiologica. Ad morbum epidemicum efficiendum, ut mea fert opinio, causae diversae simul agant necesse est. Quae causae utrum in momentis meteoricis an ter-restribus aërem atmosphaericum vitiantibus sint repositae, in incerto relinquam, obscura cholerae accessione, qualem in vico K. S. sese praebuit, adductus.

Aestate praeterita exercitus e centum millibus com-pitus in planicie patenti stativa habuit, quae planities, si a paucis quibusdam minoris momenti diversitatibus

discesseris, in singulis partibus suis nihil admodum discriminis praec se ferebat. Legiones eodem vestitu, iisdem alimentis usae, quamquam iisdem corporum exercitationibus occupatae tenebantur, nihilo minus tamen quanta est in aegrotantium multitudine varietas! Dum enim quarundam legionum bini vel terni milites morbo erant affecti, aliae non deerant, de quibus magna militum multitudo brevissimo temporis spatio vehementissimis cholerae symptomatis corriperetur. Exemplo sit legio Finnica. Ceterum facile quis crediderit, hanc differentiam inde deduci posse, quod ejus legionis milites, in Finnia nati, fortasse coelo, quale in locis Petropoli vicinis esse solet, non satis assueverint. Veruntamen similia exempla aliae quoque praebebant legiones, quae quidem pariter, ac reliquae, Petropoli castra habere consueverant. Praeterea non raro tales observati sunt casus, in quibus legionis alicujus permultos milites cholera invaderet, in legione vicina ne uno quidem morbi exemplo invento, sed cholera repente in alia legione, procul posita, erumpente. In legione praetoriana Volhynica, cujus conditiones, quum frater ibi stipendia faciat, certius cognovi, duo tantum milites cholera aegrotabant, quamquam castris proxime montem Duderhoffianum, regionem sylvestrem, prope lacum, quo agminis primi stativa ab agmine novissimo erant dirempta, collocatis. Qua in re tamen non praetermittendum est silentio, exercitum e Petropoli, in qua regione cholera jam amplius annum dimidium saevisset, in vicum K. S. convenisse, castris, quae in urbe habuerant, quum nonnullarum legionum domicilia in regionibus inferioribus, juxta canales sitis, aliarum locis salubrioribus fuissent, rerum conditione magis minusve secunda aut adversa inter se differentibus. Quin etiam legio Volhynica, cujus modo mentionem injecimus, ex oppido Oranienbaum, in qua regione cholera omnino non extiterat aut saltem minorem vim exhibuerat, in castra aestiva advenit. Dicitur quidem satis constare, homines e regione salubri in locum, quo epidemia invaserit, profectos multo facilius, quam qui ibidem habitent, morbo epidemicō illic saeviente

corripi. Quod quum ita sit, tamen hic casus in exceptionibus fuerit. Qua rerum conditione effici potuit, ut quarundam legionum milites cholerae miasmati jam ante in castris urbanis magis expositi, majore ad hunc morbum epidemicum proclivitate secum adlata, vel parva causa occasionali accidente, morbo perfecte evoluto afficerentur.

E contrario si respexerimus, e praefectis militum, quorum numerus universus quinque millia excesserit, quamquam excessus in vivendi ratione et refrigeria, non nunquam etiam magnus cholerae metus, non defuissent, licetque et Petropoli iisdem rebus nocentibus expositi et in vico K. S. iisdem corporum exercitationibus occupati essent, tamen vix plures, quam duos vel tres, cholera perfecte evoluta aegrotasse, sane fieri non potest, quin maxima hujus rei admiratione teneamur. Attamen rationis diversae, quae in cholerae frequentia inter milites eorumque praefectos intercedit, causam inde maxime deducendam esse existimaverim, quod, dum milites, valedidine sua freti, morbi initia negligebant, praefecti, primis valetudinis incommodae symptomatis deprehensis, statim ad artis auxilium confugiebant. Ceterum, alteram causam in praefectorum vestitu ad frigus arcendum aptiore, nec non in alimentis magis idoneis depositam fuisse, equidem haud abnuerim.

Causae occasioales, quae frequentissime ad cholerae in exercitu evolutionem valuerint, tales videntur fuisse: refrigeria, corporum in exercendo contentiones, excessus vietus, prodromi, qui minoris gravitatis viderentur, praesertim diarrhoea invalescens, neglecti. Aliam quandam cholerae causam verisimile est densa caligine esse allatam, quae quidem Julio mense exeunte et Augusti initio tempore nocturno tota involvens castra, quam insignis temperie noctu et interdiu diversitas esset, satis significabat. — Quas causas occasioales omnium fuisse gravissimas, inde elucet, quod plerique milites post instituta exercitia, defatigatione simulque refrigerio vim noxiā exhibente, morbo affici solebant. Namque, ab exercitationibus sudantes reversi, milites, quam fieri posset

celerrime, vestes commutare festinabant, qua re corpora justo citius refrigerabant. Praeterea saepe factum est, ut ab exercitiis in castra regressi exemplo corpora aqua frigida abluedo pulverem amoverent et acrem adeo sitim aqua frigida bibenda sedare non dubitarent. Deinde lintea sua incautius in canalibus, qui in castris erant, abluedo facile ad refrigeria ansam praebere poterant. Quae causae quam noxiam vim haberent, praecipue in pugnarum simulacris a militibus habitis et post decursiones campestres evidenter apparuit. Etenim, ut usque ad mensem Augustum ineuntem tempestate egregia eademque continua utebamur, ita, hoc tempore quum numerus militum cholera affectorum valde decrevisset, sub initium Augusti pugnarum simulacula institui coepta sunt, quibus longius per tempus continuatis, plurimi cholera aegrotantes, maxima ex parte cholerae asphycticae vel paralytiae valde evolutae symptomata offerentes, in nosocomium militare fuerunt allati. His enim pugnarum simulacris omnes, quarum supra mentionem fecimus, causae occasioales et uno eodemque tempore et majore vi effectum exhibuerant. — Namque magna corporum fatigatio cum refrigeriis vario modo contractis atque cum excessibus victus fuerat conjuncta. Huc accessit, ut repentina tempestatis commutatio fieret, dies serenos atque apricos continuis imbris et frigore sat vehementi excipientibus, quo adde, quod milites saepissime sub divo noctes transigere coacti erant. Itaque, ad momenta morbi aetiologicalia quod attinet, et ex iis, quae explicavimus, et ex tota cholerae propagatione, qualis in universum esse solet, cholera epidemicam affectionem esse miasmaticam, vitiosa aëris constitutione provocatam, satis patere videatur. Quod miasma tamen quale sit, si quaeratur, ea de re hucusque nihil certi atque explorati proferri potest.

Quaeritur jam, utrum cholera sit contagiosa neene?

Ad quam quaestionem explicandam has res respiciamus oportet:

1) Choleram, quamquam regionum sanarum et affe-

tarum inter se commercio intercluso, tamen nihilosecius esse propagatam.

- 2) In legionibus quibusdam tantum binos vel ternos milites cholera laborasse, ceteris ejusdem legionis militibus intactis.
- 3) In quibusdam legionibus complures cholera esse affectos, legionibus vicinis integris manentibus.
- 4) In nosocomio, de quo dicimus, ex illorum hominum numero, qui ad contagium maxime essent expositi, uti medicorum atque nosocomorum, quod equidem sciam, neminem cholera evoluta aegrotasse.

Quarum rerum si rationem habuerimus, illi sententiae, qua cholera asiatica aut omnino non contagiosa esse, aut ejus contagium propriis quibusdam adstrictum conditionibus putatur, eas documento esse haud negabimus.

Altera quaestio haec offertur, quaenam organismi pars cholera asiatica omnium prima corripiatur?

Totum morbi decursum, qualis in vico K. S. observatus sit, si contemplemur, inde praecipua, quae cholera sibi vindicet, phaenomena spasio et paralysi consistere appetat, ut mali sedes primaria in partibus systematis nervosi centralibus quaerenda esse videatur. Ad cerebrum quod spectat, in eo vix quisquam hodie fuerit, qui primariam morbi sedem ponendam esse opinetur, quoniam cerebrum, quum aegroti vel in gravissimis cholerae accessionibus usque ad diem supremum mentis compotes cernantur, toto mali decursu functionibus suis fere non turbatur. E contrario, si spasmos muscularum voluntati obedientium vehementissimos tam saepe observatos esse reputemus, sane negare non possumus, medullam spinalem mali neutiquam expertem esse. — Verumtamen, cholerae in vico K. S. decursum si diligentius consideravero, nonnihil addubitem, primariam morbi sedem in medulla spinali reponere. Namque ex illis, quae supra exposuimus, plerisque in casibus muscularum voluntati obtemperantium spasmis

varias digestionis turbas praecessisse liquet, neque raro cholerae splanchnicam omnino evolutam, priusquam spasmi accederent, vel ad majorem accrescerent vehementiam, jam longius per tempus durasse videmus. Non possumus quidem inficiari, in nosocomio militari fuisse casus, quamquam sat raros, in quibus, antequam certae digestionis turbae in conspectum venirent, muscularum voluntati inservientium spasmi jam mature exsisterent, tamen in his quoque tractu intestinali excrementorum oryzae in aqua coctae similiūm pleno invento. Aliās spasmi vehementissimi et asphyxia (cholera sicca), nulla cholera splanchnica praegressa, ingruerunt. Attamen hi casus, quum rarissimi fuerint, causae non sunt, cur primariam morbi sedem in medulla spinali ponamus, quoniam fieri potuit, ut major nervi sympathici atque organorum, quorum functionibus hic praeest, affectio, quamquam nullis conspicuis manifestata signis, adasset. Quod fieri posse, variis morbi chronicī organa, quibus sympathicus praeest, infestantes documento sint, quippe qui persaepe demum ad altiorem evolutionis gradum erecti certius cognoscantur. Quibus causis adductus, in ea sum sententia, ut medullae spinalis affectioni in cholera asiatica non censem attribuendas esse, nisi partes secundas. Quam sententiam eo judico verosimiliorem esse, si modum, quo mors inferatur, respexero, quod, etiamsi paralysis vitam saepe extinxerit, ea in re tamen omnia symptomata, quae medullae spinalis paralysin indicarent, deerant. Contra, licet summa dyspnoea aegrotum vexaret, tamen thorax perfecte extendebatur, neque perpetua membrorum jactatio desinebat.

Exceptis fortasse casibus cholerae siccae perpaucis, in quibus nescio an concedendum sit, medullam spinalem omnium primam fuisse affectam, ut cui ejusmodi casus observandi non ita saepe oblata sit occasio, in ceteris omnibus non nimium mihi videor sumere, si sistema nervi sympathici solum primam morbo sedem praebuisse contendero. Huic enim sententiae et totus morbi decursus a prodromis inde usque ad finem, et commutationes

pathologicae, praesertim iis in organis, quorum functiones a nervo sympathico pendent, animadversae, vel maxime patrocinantur.

Itaque quum haud dubius eam defenderim sententiam, qua prima morbi origo in nervo sympathico quaerenda videtur, facere non possum, quin eam objiciam quaestionem, sympathicus utrum in partibus centralibus per sanguinem afficiatur, an ejus affectio a partibus periphericis, a tunica mucosa, initium capiat?

Hoc si reputaverimus, in solito cholerae decursu plerumque tractus intestinalis turbationes primas apparere, postea demum ceterorum abdominis organorum turbis magis conspicuis orientibus, nec non systema vasorum posterius maiores commutationes subire, inde mihi videor conclusionem efficere posse, nervum sympatheticum, saltem plerisque in casibus, non partibus centralibus affici, neque cholerae pro morbo sanguinis primitivo ac directo habendam esse. Fuerunt quidem in nosocomio militari casus, in quibus, aut nullis aut exiguis per os anumque evacuationibus praegressis, cyanosis atque asphyxia celerime exsisterent, tamen hi casus, utpote qui perrari fuerunt, forsitan non adducant, ut sanguinis affectionem primariam statuamus. Nam fieri potuerit, ut maiores tractus intestinalis turbae, etsi observationem fugerent, tamen essent praegressae.

**Prognosis.** Nullus fortasse est morbus, qui tam incertae sit prognoseos, quam cholera. Etenim neque cunctorum neque singulorum symptomatum vehementia periculum haud dubium minitari solet. In universum, quantum equidem observavi, de prognosi haec afferenda videntur.

- 1) Eos casus, in quibus alvi dejectiones cholerae propriae praevalerent, etsi profusae fuissent, plerumque minus fuisse periculosos.
- 2) Si quando diarrhoea vomitu praevaleret, vel vomitus omnino deficeret, praesagium non ita faustum fuisse.

- 3) Casus periculosissimos illos fuisse, in quibus diarrhoea vomitusque aut tota deessent aut ambo repente cessarent, aut, his symptomatis breve per tempus continuatis, spasmi vehementissimi et asphyxia viriumque collapsus exsisterent.
  - 4) Quo minus calor cutis pulsusque evanescerent, eo meliorem fuisse prognosin, verum, quamdui oculi profundius in orbitis positi essent et lingua halitusque frigida manerent, neque pulsui neque cutis calori redeundi satis confidere licuisse.
  - 5) Si quando calor non redisset nisi singulis locis, vel frigus et reactio alternarent, pulsusque nunc fortior esset, nunc persentiri nequirit, adversam fuisse prognosin.
  - 6) Sudorem tum modo secundum fuisse signum, quem et universalis et modicus esset, cute calida manente, ceterisque symptomatis magis magisque cessantibus.
  - 7) Cyanosi evoluta, sudores profusos eosque viscidos pessimae fuisse prognoseos.
  - 8) Signa paralyseos et gravissima et certissima fuisse commutationes respirationis.
  - 9) Febrim, pulsu pleno, molli, non admodum accelerato, cute universa calida, nec non somnum lenem placidumque, alvi evacuationibus spasmisque finitis, symptomata fuisse valde exoptata.

# **Caput II.**

## **De cholerae asiaticae in vico Krasnoje Selo cura.**

Quum metuam, ne longum sit, si singulas res ad curam pertinentes persequar, satis habeo, quo modo in universum cholera tractata fuerit, enarrasse. Deinde per difficile est statuere, quaenam cura singulis morbi gradibus, supra propositis, adaptanda sit, quum interdum morbi phaenomena adeo fuerint mixta, ut, ad quod maxime confugiendum esset remedium, dubius haesitares. In universum, dum epidemia durabat, ex sententia viri honoratissimi doctissimique, archiatri, doctoris **Mandt**, a consiliis sanctoribus, curari solebat, cura, quantum fieri posset, cujusque aegroti constitutioni accommodata. Aër nosocomii ut quam purissimus esset, summa opera provisum est. Potus aegrotorum ex aqua recenti, nonnunquam cum parva vini quantitate commixta, consistebant, vel, sitis si esset vehementior, eam subinde frustulis glaciei porrectis sedare conabantur. Medicamina non praebabantur nisi dosibus parvis, quo magis res postularet, eo saepius repetitis, in casibus gravissimis quaque sexagesima quinta, vel decima, vel quinta decima, phaenomenis morbosis jam remittentibus rarius, quaque hora dimidia, vel singulis horis, vel secunda quaque hora datis. Praeterea pro diversa rerum conditione variabantur medicamenta. Plerumque cautum est, ne plus uno medicamine una dosi porrigeretur, sed, si opus videretur plura adhiberi, alternatim preeberentur. Interdum tamen factum

est, ut duo jungerentur remedia, id quod de nuce vomica dictum yolo, nonnunquam cum acido phosphorico, cum camphora etc. commixta.

Jam, singulis remedii allatis, quantum potuero, quae cujusque efficacia fuerit, exponam.

Ipecacuanha, forma tinturae, guttis j—jj quoque horae quadrante, vel quaque dimidia hora, vel singulis horis adhibitis, praecipue, quum vomitus praevalebat, et diarrhoea non ita vehementi adhuc faeces emittebantur, in usum vocari solebat, quibus in casibus multum profuit. — Si autem cholera splanchnica exsisteret, praesertim cum torminibus spasmisque levioribus conjuncta, veratrum album, forma tinturae, guttis  $\frac{1}{2}$ —1—2, quoque horae quadrante, vel quaque hora dimidia, vel singulis horis, vel secunda quaque propinatis, egregium sese praebuit remedium, si quidem asphyxia nondum nimia evasisset. Si quando diarrhoea cholerae propria vomitu praevaleret, tanacetum vulgare saepius multum attulit auxilii. Quod remedium et ipsum forma tinturae, guttis j—jj—jjj, quoque horae quadrante, vel dimidia quaque hora, vel singulis horis porrectis, adhibebatur. Spasmis et diarrhoea in cholera jam evoluta praevalentibus, saepe nux vomica plurimum profuit. Extracti nucis vomicae spirituosi grani pars quinquagesima quoque horae quadrante, vel dimidia quaque hora, vel singulis horis, vel secunda quaque forma pulveris cum saccharo lactis contrita in usum convertebatur. Omnino cuncta remedia, forma pulveris praebita, cum saccharo lactis, neque cum saccharo albo conteri solebant. Acidum phosphoricum nonnullis in casibus, at id tamen minus in cholera ipsa, quam in stadio thyphoso inde secuto, multum valuit, quinquagesima grani parte pulveris forma cum saccharo lactis contrita. Plus phosphorus proderat, cuius duo grana in una alcoholis uncia solvebantur, guttis jj—jjj pro dosi saccharo infusionis intervallisque longioribus vel brevioribus, praesertim quum alvi aquosae, facies collapsa, pectoris oppressio etc. aderant, porrectis. Et hoc remedium et liquor causticus spirituosus (Pharm. Bo-

russica) praecipua erant remedia, quibus uteremur, quum morbus stadio paralyticu appropinquabat, pulsusque celeriter minui vel omnino cessare incipiebat atque extremitates linguae et halitus omnino frigida sese praebabant. Ceterum vel in dyspnoea vehementiore et asphyxia evoluta liquor causticus spirituosus, gutt. jj—jv quoque horae quadrante, vel hora quaque dimidia, vel singulis horis propinatis, plurimum auxiliu praestabat. Quae duo remedia ultima, nec non camphora aegrotorum altiore choleræ gradu laborantium plurimos servabant, quae si efficacia carerent, omnis spes erat abicienda. Nonnullis in casibus, in quibus asphyxia jam evoluta, magna pectoris oppressio, alvi admodum foetidae, colore fusco tinctae, stadio typhoso aderant, carbo vegetabilis in pulvrem redactus, grano singulis dosibus praebito, magnam praestitit utilitatem. — Camphora, cuius gr. jjj—jv in una alcoholis uncia solvebantur, guttis jj—jjj quoque sexagesima quinta, vel decima, vel quinta decima saccharo infusionis vel grani parte quinquagesima pro dosi cum saccharo lactis contrita, quum pulsus celeriter minor minorque evadebat, viresque brevi collabi cooperant et cutis sudore frigido viscidoque obtegebatur, in usum vocari solebat. Quae, aliquot horis circumactis, cum phosphoro et ammonio alternatim praebebantur. Summo periculo jam depulso, prout rerum conditio diversa expostulabat, diversa alia adhibebantur remedia, velut nux vomica, veratrum album etc.

Quum asphyxia jam evoluta, quin etiam cholera paralytica exstisset, frictiones ope glaciei in usum conversas aegrotosque in lintea humefacta esse involutos, per se intelligitur, qua agendi ratione si compluries his casibus desperatis auxilium allatum est, nescio an remedia interna simul data plus ad eventum prosperum contulerint. Arsenicum, cuius grana singula in drachmis spiritus vini binis vel ternis solvebantur, guttis jj—jjj datus, praesertim quum, viribus celeriter collapsis, magna anxietas et inquies aegrotum agitabant, vel graviiores tractus intestinalis degenerationes formari videbantur,

perquam efficax sese exhibebat. Cholera symptomatis dysenteriam simulantibus stipata, mercurius solubilis Hahnemanni, quinquagesima grani parte pro dosi cum saccharo lactis contrita, multum profuit, qui nisi sufficeret, mercurius corrosivus in alcoholе solutus, parte grani ducentesima vel centesima pro dosi data, auxilium praestabat.

Denique restat, ut numeros aegrotorum epidemia anni 1848 et 1853 extinctorum inter se comparatos proponam, quae quidem comparatio, jubente Principe magno, imperii Successore, fuit instituta, ut **Majestati Imperatoris** traderetur. Quae comparatio numeros mortuorum utroque anno magnopere differre demonstrat, anno 1848 fere dimidia aegrotantium parte morbo consumpta, anno 1853 parte tertia vel quarta.

Comparatio statistica de multitudine militum inferiorum ordinum exercitus praetoriani cholera aegrotantium et mortuorum.

	aegrotarunt.	mortui sunt.
Ab epidemiae initiis anno 1848 mensis Junii die septimo ad anni 1848 Kalendas Januarias . . . . .	2362	995
Ab initiis epidemiae anno 1852 mensis Octobris die 19 ad anni 1853 Idus Julias . . . . .	1273	445

Anni 1848 tempore aestivo (mensibus Junio, Julio, Augusto) cholera affecti sunt 668, mortui 253.

Anni 1853 mensibus iisdem cholera correpti 556, mortui 138.

Itaque anno 1848 numero mortuorum cum numero aegrotantium talis fuit ratio  $1 : 2\frac{1}{2}$ , cum numero sanatorium talis  $1 : 4\frac{1}{2}$ .

Anno 1853 numero mortuorum cum numero aegrotantium haec intercessit ratio  $1 : 4\frac{1}{8}$ , cum numero sanatorium haec  $1 : 3\frac{1}{8}$ .

## Theses.

- 1) Remedia palliativa nulla sunt.
- 2) Medicamenta minoribus, quam solent, dosibus, praetereaque singula, aut, si pluribus opus fuerit, ea alternatim sunt porrigena.
- 3) Scabies morbus est localis.
- 4) Signorum in cholera asiatica paralysin indicantium et gravissima et certissima sunt mutationes respirandi.
- 5) Nervus vagus non est nervus specificus sensui sitis famisque cum cerebro communicando inserviens.
- 6) Sanguinis depletiones, exceptis fortasse casibus perpaucis, omnino rejiciendae.
- 7) Fluor albus non est nisi symptoma affectionis uterinae.